



## NEGERI SABAH

[JPAN: 700-3/2 JLD. 4/(59)]

### **PEKELILING PERKHIDMATAN NEGERI SABAH BIL. 6/2023 BANTUAN KHAS KEWANGAN AIDILFITRI DAN KAAMATAN TAHUN 2023**

#### **TUJUAN**

1. Pekeliling Perkhidmatan ini bertujuan melaksanakan keputusan Kerajaan Negeri untuk memberi Bantuan Khas Kewangan Aidilfitri dan Kaamatan Tahun 2023 kepada semua pegawai Perkhidmatan Awam Negeri.

#### **LATAR BELAKANG**

2. Kerajaan Negeri melalui Mesyuarat Jemaah Menteri Siri 06/2023 pada 05 April 2023 telah bersetuju memberi Bantuan Khas Kewangan Aidilfitri dan Kaamatan Tahun 2023 sebanyak RM 700.00 kepada semua pegawai Perkhidmatan Awam Negeri. Bantuan Khas Kewangan ini adalah bagi menghargai sumbangan dan sebagai suntikan semangat kepada Penjawat Awam Negeri untuk berusaha lebih gigih demi meningkatkan mutu perkhidmatan kepada rakyat.

**“SABAH MAJU JAYA”**

## PEGAWAI YANG LAYAK

3. Pembayaran Bantuan Khas Kewangan Aidilfitri dan Kaamatan Tahun 2023 **layak** diberikan kepada semua Pegawai Perkhidmatan Awam Negeri yang masih berkhidmat pada 17 April 2023 seperti yang berikut:

- 3.1 pegawai lantikan tetap, sementara dan *Contract of Service* (COS);
- 3.2 pegawai yang bercuti bergaji penuh;
- 3.3 pegawai yang bercuti separuh gaji;
- 3.4 pegawai yang bercuti tanpa gaji; dan
- 3.5 pegawai yang dipinjamkan termasuk ke agensi yang diasingkan pengurusan saraannya. Bantuan Khas Kewangan Tahun 2023 ini akan dibayar oleh agensi yang menerima peminjaman pegawai.

4. Bantuan Khas Kewangan Aidilfitri dan Kaamatan Tahun 2023 sebanyak RM 700.00 turut dipanjangkan kepada:

- 4.1 Pekerja Sambilan Harian (PSH) yang masih berkhidmat pada 17 April 2023 dengan syarat tempoh kontraknya telah berkuat kuasa sekurang-kurangnya 30 hari berturut-turut;
- 4.2 Pegawai lantikan politik yang berkhidmat di Unit Pemimpin Pembangunan Masyarakat; dan
- 4.3 Pegawai Kerajaan lantikan vot terbuka.

**“SABAH MAJU JAYA”**

## **PESARA**

5. Pesara Kerajaan yang menerima pencen dan termasuk penerima pencen terbitan di bawah undang-undang pencen serta pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan **pada atau sebelum 17 April 2023** akan dibayar sebanyak RM350.00 oleh Bahagian Pencen, Jabatan Perkhidmatan Awam Malaysia.

6. Pesara yang dilantik semula secara *Contract of Service* (COS) atau secara sementara dan masih berkhidmat pada 17 April 2023 layak dibayar Bantuan Khas Kewangan Aidilfitri dan Kaamatan Tahun 2023 sebanyak RM 700.00 oleh jabatan di mana pegawai sedang berkhidmat.

## **PEGAWAI MENINGGAL DUNIA DALAM PERKHIDMATAN**

7. Pegawai Perkhidmatan Awam Negeri yang meninggal dunia pada 17 April 2023 layak diberi Bantuan Khas Kewangan Aidilfitri dan Kaamatan Tahun 2023 sebanyak RM 700.00.

## **PEGAWAI YANG TIDAK LAYAK**

8. Bantuan Khas Kewangan Aidilfitri dan Kaamatan Tahun 2023 ini **tidak diberikan** kepada:

8.1 pegawai yang dijatuhkan hukuman tatatertib dalam tempoh 1 Januari 2023 hingga 17 April 2023 ;

8.2 pegawai yang ditamatkan perkhidmatan demi kepentingan awam dalam tempoh 1 Januari 2023 hingga 17 April 2023;

**“SABAH MAJU JAYA”**

- 8.3 pegawai yang meletak jawatan dalam tempoh 1 Januari 2023 hingga 17 April 2023; dan
- 8.4 pegawai berpencen yang melepaskan hak pencen kerana menyertai Badan Berkanun Yang Diasingkan Saraannya.

### **PEGAWAI YANG DITANGGUHKAN BANTUAN KHAS KEWANGAN**

9. Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib akan ditangguhkan pemberian Bantuan Khas Kewangan Aidilfitri dan Kaamatan Tahun 2023 sehingga Pihak Berkuasa Tatatertib mendapati pegawai tersebut tidak bersalah.

### **TARIKH PEMBAYARAN**

10. Bantuan Khas Kewangan Aidilfitri dan Kaamatan Tahun 2023 ini akan dibayar serentak dengan pembayaran gaji bulan April 2023.

### **TANGGUNGJAWAB PEMBAYARAN**

11. Pembayaran Bantuan Khas Kewangan Aidilfitri dan Kaamatan Tahun 2023 ini adalah menjadi tanggungan jabatan di mana pegawai berkhidmat pada tarikh pembayaran.

### **TARIKH KUAT KUASA**

12. Pekeliling Perkhidmatan ini berkuat kuasa mulai tarikh ia dikeluarkan.

**“SABAH MAJU JAYA”**

## PEMAKAIAN

13. Tertakluk kepada penerimaan pakai Pekeliling Perkhidmatan ini oleh pihak berkuasa masing-masing, peruntukan Pekeliling Perkhidmatan ini pada keseluruhannya dipanjangkan kepada semua Pihak Berkuasa Berkanun Negeri dan Pihak Berkuasa Tempatan Negeri.

**“MALAYSIA MADANI”**

**“BERKHIDMAT UNTUK NEGARA”**



**[ DATUK SERI PANGLIMA Sr. HAJI SAFAR UNTONG, JP ]**  
Setiausaha Kerajaan Negeri

Tarikh: **1 1 APR 2023**

s.k.: Setiausaha Tetap  
Kementerian Kewangan Negeri Sabah  
Blok C, Menara Kinabalu  
Jalan Teluk Likas, Tanjung Lipat  
**88400 KOTA KINABALU**

Bendahari Negeri  
Jabatan Bendahari Negeri Sabah  
Tingkat 8,9,10 dan 11, Blok A, Menara Kinabalu  
Jalan Teluk Likas, Tanjung Lipat  
**88400 KOTA KINABALU**

**“SABAH MAJU JAYA”**

Diedarkan kepada :  
Semua Setiausaha Tetap Kementerian Negeri  
Semua Ketua Jabatan Negeri  
Semua Pihak Berkuasa Berkanun Negeri  
Semua Pihak Berkuasa Tempatan Negeri  
Semua Pegawai Daerah  
Semua Penolong Pegawai Daerah, Daerah Kecil

**“SABAH MAJU JAYA”**

**SOALAN LAZIM**  
**BANTUAN KHAS KEWANGAN AIDILFITRI DAN KAAMATAN TAHUN 2023**

**A. PENJAWAT AWAM**

BIL.	SOALAN	KELAYAKAN
<b>Pelaksanaan</b>		
1.	Siapakah Penjawat Awam yang layak dibayar Bantuan Khas Kewangan Aidilfitri dan Kaamatan Tahun 2023?	<p>Bantuan Khas Kewangan Tahun 2023 dibayar kepada semua pegawai Perkhidmatan Awam Negeri dengan syarat pegawai masih berkhidmat pada 17 April 2023.</p> <p>Turut layak diberi kepada pegawai yang bercuti bergaji penuh, pegawai yang bercuti separuh gaji, pegawai yang bercuti tanpa gaji dan pegawai yang dipinjamkan termasuk ke agensi yang diasingkan pengurusan saraannya.</p>
<b>Pegawai Perkhidmatan Awam Lantikan Baharu</b>		
2.	Adakah Pegawai yang baharu dilantik pada 16 April 2023, layak Bayaran Bantuan Khas Kewangan Aidilfitri dan Kaamatan Tahun 2023?	Pegawai yang baharu dilantik dan telah melapor diri bertugas sebelum 17 April 2023 layak menerima Bantuan Khas Kewangan Aidilfitri dan Kaamatan Tahun 2023.
<b>Pegawai Bercuti Separuh Gaji/ Tanpa Gaji</b>		
3.	Adakah pegawai yang bercuti separuh gaji/tanpa gaji sepanjang tempoh 1 Januari 2023 hingga 17 April 2023 layak menerima Bantuan Khas Kewangan Aidilfitri dan Kaamatan Tahun 2023?	<b>Layak.</b>
<b>Pegawai Peminjaman</b>		
4.	Adakah pegawai yang dipinjamkan ke Gred Utama/Khas layak menerima Bantuan Khas Kewangan Aidilfitri dan Kaamatan Tahun 2023?	<p><b>Layak.</b></p> <p>Pegawai layak dibayar Bantuan Khas Kewangan Aidilfitri dan Kaamatan Tahun 2023, walau bagaimanapun bagi pegawai yang dipinjamkan ke agensi yang diasingkan pengurusan saraannya, Bantuan ini hendaklah dibayar oleh agensi yang menerima pinjaman.</p>

**“SABAH MAJU JAYA”**

BIL.	SOALAN	KELAYAKAN
<b>Pegawai <i>Contract of Service</i></b>		
5.	Adakah seorang pegawai <i>Contract of Service</i> layak diberi Bantuan Khas Kewangan Aidilfitri dan Kaamatan Tahun 2023 sekiranya beliau berkhidmat mulai 1 Oktober 2021 hingga 1 April 2023 dan tidak lagi berkhidmat selepas tarikh tamat kontrak tersebut?	<b>Tidak layak.</b> Pegawai tidak lagi berada dalam perkhidmatan pada 17 April 2023 (tarikh pembayaran).
6.	Adakah seorang pegawai <i>Contract of Service</i> yang dilantik pada 1 Januari 2023 hingga 31 Disember 2023 layak diberi Bantuan Khas Kewangan Aidilfitri dan Kaamatan Tahun 2023?	<b>Layak.</b> Pegawai layak menerima Bantuan Khas Kewangan Aidilfitri dan Kaamatan Tahun 2023 dengan syarat masih berada dalam perkhidmatan pada 17 April 2023 (tarikh pembayaran).
7.	Adakah pesara yang dilantik semula secara <i>Contract of Service (COS)</i> dan masih berkhidmat pada 17 April 2023 layak dibayar Bantuan Khas Kewangan Aidilfitri dan Kaamatan Tahun 2023?	<b>Layak.</b> Pesara yang dilantik semula secara <i>Contract of Service (COS)</i> dan masih berkhidmat pada 17 April 2023 layak dibayar Bantuan Khas Kewangan Aidilfitri dan Kaamatan Tahun 2023 sebanyak RM 700.00 oleh jabatan di mana pegawai sedang berkhidmat.
<b>Pekerja Sambilan Harian (PSH)</b>		
8.	Adakah PSH layak menerima Bantuan Khas Kewangan Tahun 2023 yang kontraknya berkuat kuasa mulai 1 Januari 2023 hingga 31 Mac 2023 dan kemudiannya telah diperbaharui kontraknya berkuat kuasa 3 April 2023 sehingga 30 Jun 2023 layak diberi Bantuan Khas Kewangan Aidilfitri dan Kaamatan Tahun 2023?	<b>Layak.</b> Pemberian Bantuan Khas Kewangan Tahun 2023 turut dipanjangkan kepada Pekerja Sambilan Harian (PSH) tertakluk kepada syarat tempoh kontraknya telah berkuat kuasa sekurang-kurangnya 30 hari berturut-turut termasuk Hari Rehat Mingguan, Hari Kelepasan Mingguan dan Hari Kelepasan Am serta masih berkhidmat pada tarikh 17 April 2023 (tarikh pembayaran) tersebut.  Tempoh perkhidmatan kontrak terdahulu (1 Januari 2023 hingga 31 Mac 2023) boleh diambil kira bagi tujuan melengkapkan pengiraan 30 hari berturut-turut kerana jurang (gap) 1 atau 2 hari di antara kontrak terdahulu dengan kontrak baharu dengan syarat Pekerja Sambilan Harian tersebut masih berada dalam perkhidmatan pada 17 April 2023.



BIL.	SOALAN	KELAYAKAN
	...sambungan...	Kontrak yang mempunyai tempoh jurang yang melebihi 2 hari Ketua Jabatan boleh mempertimbangkan kontrak yang tempoh jurang (gap) atas sebab Hari Rehat Mingguan dan Hari Kelepasan Am bagi melengkapkan pengiraan 30 hari berturut-turut.
9.	Adakah Pekerja Sambilan Harian (PSH) yang telah berkhidmat pada 1 Januari 2023 hingga 31 Mac 2023 layak diberi Bantuan Khas Kewangan Aidilfitri dan Kaamatan Tahun 2023?	<b>Tidak layak.</b> Pekerja Sambilan Harian (PSH) tidak layak diberi Bantuan Khas Kewangan Aidilfitri dan Kaamatan Tahun 2023 kerana tidak lagi berada dalam perkhidmatan pada 17 April 2023.
10.	Adakah Pekerja Sambilan Harian (PSH) yang telah dilantik pada 6 September 2022 dan tamat tempoh perkhidmatan selama 3 bulan pada 5 Disember 2022, kemudiannya dilantik semula pada 4 April 2023 hingga 30 Jun 2023 layak diberi Bantuan Khas Kewangan Aidilfitri dan Kaamatan Tahun 2023?	<b>Tidak layak.</b> Pekerja Sambilan Harian (PSH) tidak layak diberi Bantuan Khas Kewangan Aidilfitri dan Kaamatan Tahun 2023 kerana kontraknya yang sedang berkuat kuasa (kontrak mulai 4 April 2023) tidak memenuhi tempoh 30 hari berturut-turut seperti yang ditetapkan dalam perenggan 4.1, Pekeliling ini.
11.	Adakah Pekerja Sambilan Harian (PSH) yang dilantik bermula pada 3 April 2023 dan masih berkhidmat pada 17 April 2023 layak diberi Bantuan Khas Kewangan Aidilfitri dan Kaamatan Tahun 2023?	<b>Tidak layak.</b> Pekerja Sambilan Harian (PSH) tidak layak diberi Bantuan Khas Kewangan Aidilfitri dan Kaamatan Tahun 2023 kerana kontraknya yang sedang berkuat kuasa (kontrak mulai 3 April 2023) tidak memenuhi tempoh 30 hari berturut-turut seperti yang ditetapkan dalam perenggan 4.1, Pekeliling ini.
<b>Hukuman Tatatertib</b>		
12.	Adakah pegawai yang dijatuhkan hukuman amaran pada 10 April 2023 oleh Pihak Berkuasa Tatatertib Kementerian/Jabatan layak diberi Bantuan Khas Kewangan Aidilfitri dan Kaamatan Tahun 2023?	<b>Tidak layak.</b> Pegawai tidak layak diberi Bantuan Khas Kewangan Aidilfitri dan Kaamatan Tahun 2023 kerana hukuman amaran adalah turut merupakan salah satu daripada jenis hukuman tatatertib mengikut Peraturan 246, Peraturan-Peraturan Pegawai Awam Negeri Sabah 2008.
13.	Adakah pegawai yang telah dijatuhkan hukuman tatatertib pada November 2022 dan pelaksanaan hukumannya berlanjutan melangkaui tempoh 1 Januari 2023 layak diberi Bantuan Khas Kewangan Aidilfitri dan Kaamatan Tahun 2023?	<b>Tidak Layak.</b> Pegawai tidak layak diberi Bantuan Khas Kewangan Aidilfitri dan Kaamatan Tahun 2023 kerana hukuman tatatertib berkenaan telah dijatuhkan dalam tempoh 1 Januari 2023 hingga 17 April 2023.

BIL.	SOALAN	KELAYAKAN
<b>Meninggal Dunia Dalam Perkhidmatan</b>		
14.	Adakah pegawai yang meninggal dunia pada 17 April 2023 layak menerima Bantuan Khas Kewangan Aidilfitri dan Kaamatan Tahun 2023?	<b>Layak.</b>  Pegawai layak menerima Bantuan Khas Kewangan Aidilfitri dan Kaamatan Tahun 2023 sebanyak RM 700.00. Bantuan tersebut akan dibayar oleh jabatan terakhir pegawai berkhidmat.
<b>Peng korporatan/ Penswastaan dan Pengasingan</b>		
15.	Adakah pegawai yang dipinjamkan ke agensi yang diasingkan pengurusan saraannya atau badan antarabangsa atau syarikat swasta sepanjang tempoh 1 Januari 2023 hingga 17 April 2023 layak menerima Bantuan Khas Kewangan Aidilfitri dan Kaamatan Tahun 2023.	<b>Layak.</b>  Bantuan Khas Kewangan Aidilfitri dan Kaamatan Tahun 2023 akan dibayar oleh agensi yang menerima peminjaman pegawai (agensi peminjam).
<b>Meletak Jawatan/ Berhenti/ Ditamatkan Perkhidmatan</b>		
16.	Adakah pegawai Perkhidmatan Awam Negeri yang meletak jawatan/berhenti/ditamatkan perkhidmatan demi kepentingan awam dalam tempoh 1 Januari 2023 hingga 17 April 2023 layak diberi Bantuan Khas Kewangan Aidilfitri dan Kaamatan Tahun 2023.	<b>Tidak layak.</b>  Pegawai tidak layak kerana pegawai tidak lagi berada dalam perkhidmatan.

**B. PESARA KERAJAAN**

BIL.	SOALAN	KELAYAKAN
<b>Pesara</b>		
17.	Apakah rujukan Pekeliling untuk pembayaran Bantuan Khas Kewangan Aidilfitri kepada pesara Kerajaan /penerima pencen.	Pesara Kerajaan/penerima pencen dibayar Bantuan Khas Kewangan Aidilfitri oleh Bahagian Pencen, Jabatan Perkhidmatan Awam Malaysia selaras dengan surat edaran rujukan : JPA. 800-3/2/4 (24) bertarikh 23 Mac 2023 dan surat edaran rujukan : JPA. 800-3/2/4 (27) bertarikh 10 April 2023.

**“SABAH MAJU JAYA”**